

MMỌN-UKWỌ

Genesis 6:14-22; 7:1-24; 8:1-22

ỌYỌHỌ UKPEP-ŃKPỌ 6

Eke Mkp̄arawa

IKỌ IBUOT: “Afo ye ofuri ufọk fo eka ekeduk ke ubom oro” (Genesis 7:1).

Nte Abasi Ọkọdọhọde

Mmọn-ukwọ ama edi kpa nte Abasi ọkọtọtde. Ema eberede mme ekpri usuñ ibibene (window) ikpa-enyọñ ndien edim ama ọtọñọ ndidep. Ke uwemeyo aba ye okoneyo aba edim ama edep. Mme obube mmọñ ema esiaha ndien mmọñ ọyọhọ ofuri isọñ. Akananam utọ mmọn-ukwọ oro iduhe.

Nte owo, mme unam ekeme ndidu uwem ke ini utọ ukwọ oro? Nte owo mme ñkpọ ekededi ekeme ndibọhọ? Ih! usuñ ama odu ndibọhọ mmọn-ukwọ! Ke ofuri ubon owo, owo kiet ye ufọk esie ekebọhọ. Ke ofuri unam, kpa mmọ emi ekedude ke ubom mikakpaha. Owo kiet ama odu emi Abasi ọkọfiokde nte anam-akpanikọ, emi ekenende onyũ asańade ye Abasi. Owo emi kpa Noah ke Abasi akayarade uduak Esie ọnọ.

Idiok-Ńkpọ

Abasi ama ọdọhọ ete ke utọ mmọn-ukwọ oro eyedu man osobo “owo osim ufene, ye ọnyọni ye inuen-enyọñ.” Emi ekedi ufen ye ubierikpe ke ntak idiok-ñkpọ. Mme owo ema ediok tutu Abasi atua mkpọfiok ke ndikobot mmọ. Abasi ama onyũ okut ke esit mme owo ete ke ekikere mmọ “edi idiok kpukpru ini.” Ofuri isọñ ọkọyọhọ ye mbubiam, owo inyũ ikereke ibańa Abasi ye usuñ Esie. Abasi asasua idiok-ñkpọ, ke ntre akana esobo mbon emi ekenamde idiok-ñkpọ.

Usuñ Ubọhọ

Abasi ama eteme Noah se enye edinamde man oto do enye ọbọhọ ke ini edisobode mmọ eken ke mmọn-ukwọ. Enye ama anam Noah ebeńe-idem abańa ini ukwọ ke ndikọñ ubom. Emi ekedi ubom emi mikenyleneke ubọi, udeń, ukwak-utom (engine) mme afara. Ekeda eto enam ubom emi, enyũ eyet itai ke edem ye esit esie man mmọñ okuduk. Ubom ekenyene ikpehe ita, idak, ufọt ye enyọñ, ye ekpri usuñ ibibene kiet ye usuñ kiet. Abasi ama ọdọhọ Noah ukem-ukem nte enye edibọpde ubom oro. “Ndien Noah anam kpukpru se Abasi eketemede enye, ntem ke enye anam.” Noah ama anam uyo Abasi onyũ ọbọhọ ke ini ukwọ. Enye akanam ubom ukem nte Abasi okoyomde. Enye ikọkpuhọke idaha, uniọñ mme ubom, ikpuhọke utọ eto emi ekenyenede ndida nnam; mme ikpehe esie, mme ibat usuñ ye eke window, mme ñkpọ ekededi emi abańade ubom oro.

Anam Usọ-Eto

Mme ọbọp ufọk mfin ekama ñwed idiọñọ ubọp-ufọk. Ndusuk ini ke ema eketọñọ ndibọp ufọk, mme ubom, esikpuhọre mme ñkpọ. Ediwak ini esidiadian ñkpọ midighe esio efep. Ediwak ini ñko ke ini ekurede ndibọp ufọk oro, enye itiehe nte se ekesinde ke ñwed idiọñọ ubọp-ufọk mme se ekeyomde. Unana ñkpọ utom, ndudue mme ekikere emi owo adade edisin, mme oyomde ekeme ndinam ufọk oro ọkpuhọre ọkpọñ nte ekeyomde enye.

Edibọp

Mfin nnyin imekeme ndida owo kiet-kiet nte ọbọp-ufọk, koro enye ke ọbọp ke abańa nsinsi ini. Abasi ọnọ usuñ erinyańa. Man owo ọbọ erinyańa, enye enyene nditiene usuñ oro Abasi onimde. Kpa nte Noah akanamde kpukpru se Abasi eketemede enye, ntre ke owo enyene ndinam ofuri uduak Abasi mfin nte ewetde ke Ñwed Abasi.

Noah ama enyene akamba utom ndinam. Ndibọp ubom ubọhọ ikedighe mmem-mmem utom edi Noah ekenyene ndinam sia Abasi ọkọdọhọde enye ete anam ntre.

Okposuk edi emi ekedide ọkpọsọñ utom ke ediwak isua, Noah ama anam ukem-ukem nte Abasi eketemede. Abasi inọhọ owo utom eke enye midikemeke ndinam.

Noah ekedi “ọkwọrọ edinen ido” (2 Peter 2:5). Ekeme ndidi mme owo ema ebup Noah se enye ọbọpde ye ntak emi enye ọkọbọpde ubom. Edi akpanikọ nte ke ediwak owo ema enyene ekikere mmọ. Ndusuk mmọ eken ema esak Noah inyũ inimke se enye eketińde ke akpanikọ. Noah ama ọkwọrọ ọnọ mmọ abańa

mmoñ-ukwo eke edidide. Edi, edi Noah ikpoñ ye ufok esie ekenim ikọ Ọbọñ ke akpanikọ enyuñ enam mbeñidem ndibohọ ubierikpe emi ekenyenede ndidi.

Mfin

Mfin mme owo edu emi enimde Nwede Abasi ke akpanikọ nte IKỌ Abasi. Nnyin imokot ibaña ini ukut emi Abasi edinyañade ikot Esie, oro edi “kpukpru mmọ emi ewetde esin ke nwede oro” (Daniel 12:1). Nnyin inyuñ ikot ibaña usen ubiere ikpe emi “kpukpru nnyin kiet kiet iyebuk mbuk ibaña idem esie inọ Abasi” (Nwede Mbon Rome 14:12). Nwede Abasi ekpep ete ke mmọ emi enamde idiok idighe nditọ Abasi, koro “kpukpru owo eke enamde idiok-ñkpọ edi ofin idiok-ñkpọ” (John 8:34). Inyuñ ikot ite, “edi owo eke ayarade, onyuñ okpoñde mmọ, eyekut mbom” (Mme Nke 28:13). Nnyin ikot nko “edi edieke nnyin isañade ke uñwana, kpa nte Enye odude ke uñwana nnyin imoduk nduk ye kiet eken, ndien iyip Jesus Eyen Esie eyet nnyin isana ke kpukpru mme idiok-ñkpọ” (1 John 1:7). Emi edi usuñ emi Abasi onimde ndida nnyaña kpukpru owo. Emi edi usuñ ndibohọ nsobo emi editienede ererimbot.

Usuñ ubohọ ana iñwañ onọ kpukpru owo, edi mmọ eke enimde Abasi ke akpanikọ ikpoñ-ikpoñ edibohọ. “Koro Abasi akamama ererimbot ntem, tutu Enye osio ikpoñ-ikpoñ Eyen emi Enye obonde onọ, man owo ekededi eke obuotde idem ye Enye okutak, edi enyene nsinsi uwem” (John 3:16). “Ema ekekpe ikpe owo eke mibuotke idem ye Enye ema, koro enye mibuotke idem ke enyiñ Edibon Eyen Abasi kierakiet” (John 3:18). Ndsuk owo mfin inimke ikọ Abasi ke akpanikọ. Ndsuk ete mme imọ imenim Nwede Abasi ke akpanikọ, edi mmọ inamke item Abasi inyuñ inamke mbeñidem ndika Obio Abasi.

Ndsuk owo edu mfin emi mikwoṛṛke ofuri Nwede Abasi; nte uwut ñkpọ, mmọ ete ke idighe akpan ñkpọ ndidu edisana uwem. Edi Nwede Abasi odohọ ete, “Etiñ enyin esaña ke emem ye kpukpru owo; enyuñ esaña ke edisana ido; koro esiode oro efep, baba owo kiet idikwe Ọbọñ” (Mme Hebrew 12:14). Ukem nte Noah akanamde, “kpukpru se Abasi eketemede enye,” ntre ke nnyin inyene ndinam item Abasi ke kpukpru ñkpọ.

Gospel Jesus Christ edi usuñ ubohọ nnyin, Enye edi Ubom Ubohọ ye ñkukure idorenyin nnyin. Yak ida Ubom Ubohọ nnyin idomo ye eke Noah. Jesus ete, “Ami ndi inua-otop: edieke owo ekededi ebete Mi oduk, enye eyekut erinyaña” (John 10:9). Ubom Noah ekenyene inua-otop kiet. Ubom Noah ekenyene ikpehe ita, ndien Nwede Abasi ekpep ete ke enọ mfon ita edu ke Gospel: edifen mme idiok-ñkpọ, edinam-asana ye uduok mmọñ Edisana Spirit.

“Oto mbuotidem Noah, sia Abasi onode enye ntot abaña se enyin mikwe kaña, ke uteñe Abasi, okoñ ubom ndida nnyaña ufok esie” (Mme Hebrew 11:7). Nnyin nko inyene ndibeñe uwem nnyin, man oto do ikpobohọ akwa nsobo emi edidide. Inyene ndibohọ akam nnyuñ nnam akpanikọ nno Abasi. Nnyin inyene ndisuk ibuoṛ man inam erinyaña nnyin oworo usuñ ke ndik ye nnyek-idem, nte emi Paul ekewetde onọ mbon Philippi (Nwede Mbon Philippi 2:12).

Inua-Otop emi Eberide

Usen kiet Abasi ama odohọ Noah ete aka okoduk ubom ye mme unam. Ke adañamei Noah ye ufok esie ye mme unam ema ekeduk ubom ema, Abasi ama eberi usuñ. Ke Nwede Abasi, enọ nnyin item ndidu ke mbeñidem kpukpru ini. “Mbufo eyom Jehovah, ke ini ekemede ndikut enye, eseme ekot enye, ke ini enye ekperede” (Isaiah 55:6). Ini ke edi emi ediberide usuñ erinyaña ndien andiberede iduhe. (Kot Eriyarare 3:7).

Ini Ama Ebe

Ke ini mmọñ ama okotoño nditot, ediwak owo ema enim ikọ Noah ke akpanikọ. Edi ini ama ebe ndiduk ke ubom. Ọbọñ ama eberi usuñ. Noah ama enyene ubohọ ke esit ubom, ke ini mmọ emi ekedude ke aña ekekpañade ke mmọñ. Mmọ ekenim ke akpanikọ ke ini ama ekebe!

Ke uwemeyo aba ye okoneyo aba ke mmọñ-ukwo akada itie. Kpukpru se idude uwem ema ekpaña, ibohoke Noah, ufok esie ye mme unam emi ekedude ke esit ubom. Ke ediwak usen ema ekebe, mmọñ ama asat. Mme eto etoño ndisehe. Edi Noah ama osuhọ ke ubom tutu Abasi odohọ enye oworo edi.

Idiño

Ke Noah ye mbon ufok esie ye mme ufene ema ekekpoñ ubom esuhore ke edisat isoñ, Noah ama obop itie uwa onọ Abasi. Ndien Abasi ama onwoño ete ke mmọñ idisoboke aba odu uwem ñkpọ ke isoñ. Enye ada idiño osño eñwoño oro, oro edi akpara. Ini ekededi eke mme owo ekutde akpara, oro eti mmọ ete ke Abasi iditñoke ntaṛ idon utọ mmọñ-ukwo oro ke isoñ. Edi akpara akpana eti nnyin ete ke usen kiet, ke utọ ubierikpe efen eyeda

itie ke ererimbot, emi kpukpru se idude ke ofuri iso ison editade ikan enyuan ebiara (2 Peter 3:10). "Sia kpukpru nkpọ emi edibiarade ntem, nso oruk owo ke mbufo ekpedi ke edisana ido ye ke uteñe Abasi?" (2 Peter 3:11).

MME MBUME

- 1 Nso oruk owo ke Noah ekedi?
- 2 Enye okokpuhore didie ye mme owo ke eyo esie?
- 3 Ntak emi Noah okokonide ubom?
- 4 Ubom okonọ mme anie ubohọ?
- 5 Ntak emi Abasi akanamde ukwọ odu?
- 6 Nso ikotibe ke ini Abasi okodonde mmọn-ukwọ?
- 7 Edim ekedep ebighi didie?
- 8 Ikpehe ifan okodu ke ubom?
- 9 Ini ewe ke Noah okokpon ubom?